

欽定前漢書

卷十
九

前漢書卷十九上

漢 蘭 臺 令 史班 固撰

唐正議大夫行秘書少監琅邪縣開國子顏師古注

百官公卿表七上

師古曰漢制三公號稱萬石其俸月各三百五十斛穀其稱中二千石者月各百八十斛二千石者百二十斛比二千石者百斛千石者九十斛比千石者八十斛六百石者七十斛比六百石者六十斛四百石者五十斛比四百石者三十斛三百石者四十斛比三百石者三十斛比二百石者二十七斛比一百石者十六斛

易叙宓義神農黃帝作教化民

應劭曰宓義氏始作八卦神農氏爲耒耜黃帝

氏作衣裳神而化之使民宜之師古曰見易下繫宓音伏字本作處轉寫訛繆耳

而傳述其官

師古曰春秋左氏傳載郊子所說也

以爲必義龍師名官

應劭曰師者長也以龍紀其官

長故爲龍師春官爲青龍夏官爲赤龍秋官爲白龍冬官爲黑龍中官爲黃龍張晏曰庖羲將興神龍負圖而

至因以名

神農火師火名

應劭曰火德也故爲炎帝春官爲大火夏官爲鶉火秋官

爲西火冬官爲北火中官爲中火張晏曰神農有火星之瑞因以名師與官也

黃帝雲師雲名

應劭曰黃帝受命有雲瑞故以雲紀事也由是而言故春官爲青雲夏官爲縉雲秋官爲白雲冬官爲黑雲中

官爲黃雲張晏曰黃帝有景雲之應因以名師與官也

少昊鳥師鳥名

應劭曰金天氏黃帝

子青陽也張晏曰少昊之立鳳鳥適至因以名官鳳鳥氏爲歷正立鳥司分伯趙司至青鳥司開丹鳥司閉師

古曰立鳥燕也伯趙伯勞也青鳥鶡鵒也丹鳥鶩雉也

自顓頊以來爲民師而命

以民事

應劭曰顓頊氏代少昊者也不能紀遠始以職事命官也春官爲才正夏官爲火正秋官爲金

正冬官爲水正中官爲土正師有重黎句芒祝融后土古曰自此以上皆郊子之辭也

蓐收玄冥之官然已上矣

應劭曰少昊有四叔重爲句芒

顓頊氏有子曰黎爲祝融共工氏有子曰句龍爲后土故有五行之官皆封爲上公祀爲貴神師古曰上謂其

事久遠也

書載唐虞之際命羲和四子

應劭曰堯命四子分掌四時之

教化也張晏曰四子謂羲仲羲叔和仲和叔也師古曰事見虞書堯典

順天文授民時咨

四岳以舉賢材揚側陋

師古曰四嶽分主四方諸侯者

十有二牧柔遠

能邇

應劭曰牧州牧也師古曰柔安也能善也邇近也

禹作司空平水土

師古曰司空

穴也古人穴居主穿土爲穴以居人也

棄作后稷播百穀

應劭曰棄臣名也后主也爲此

稷官之主也師古曰播謂布種也

高作司徒敷五教

應劭曰五教父義母慈兄友弟恭子

孝也師古曰

咎繇作士正五刑

應劭曰士獄官之長張晏曰五刑謂墨劓剕剕

宮大辟也師古曰咎音臯繇音弋昭反墨鑿其額而涅以墨也劓斷足也剕割鼻也剕去骸骨也宮陰刑也大

辟殺之也垂作共工利器用

應劭曰垂臣名也爲共工理百工之事也師古曰共讀曰龔

莽作朕虞育草木鳥獸

應劭曰莽伯益也虞掌山澤禽獸官名也師古曰莽古益字也

虞度也主商度山川之事

伯夷作秩宗典三禮

應劭曰伯夷臣名也典天神地祇人鬼之

禮也師古曰秩次也宗尊也主尊神之禮可以次序也

夔典樂和神人

應劭曰夔臣名也師

古曰夔音鉅龜反

龍作納言出入帝命

應劭曰龍臣名也納言如今尚書管王之喉舌

也師古曰自此以上皆堯典之文

夏殷亡聞焉

師古曰言夏殷置官事不見於書傳也禮記明

堂位曰夏后氏官百殷二百蓋言其大數而無職號統屬也

周官則備矣

師古曰事見周書周

官篇及周禮也

天官冢宰地官司徒春官宗伯夏官司馬秋官

司寇冬官司空是爲六卿

師古曰冢宰掌邦治司徒掌邦教宗伯掌邦禮司馬掌邦

政司寇掌邦禁司空掌邦土也

各有徒屬職分用於百事

師古曰言百者舉大數也

分音扶

太師太傅太保是爲三公

應劭曰師訓也傳覆也保養也師古曰傳

問反

也蓋參天子坐而議政無不總統故不以一職爲官名

又立三少爲之副少師少傅少保是爲孤卿與六卿爲

九焉記曰三公無官言有其人然後充之

師古曰不必備員有德者

乃處

舜之於堯伊尹於湯周公召公於周是也或說司

馬主天司徒主人司空主土是爲三公四岳謂四方諸

侯自周衰官失而百職亂戰國並爭各變異秦兼天下

建皇帝之號

張晏曰五帝自以德不及三皇故自去其皇號三王又以德不及五帝自損稱王秦

自以德衰二

行故兼稱之立百官之職漢因循而不革明簡易隨時

宜也其後頗有所改王莽篡位慕從古官而吏民弗安

亦多虐政遂以亂亡故畧表舉大分

師古曰分音扶問反

以通古

今備溫故知新之義云

師古曰論語稱孔子曰溫故而知新可以爲師矣溫猶厚也言

厚蓄故事多識於新則可爲師

相國丞相

應劭曰丞者承也相者助也

皆秦官金印紫綬掌承天子

助理萬機秦有左右

荀悅曰秦本次國命卿二人是以置左右丞相無三公官

高帝

卽位置一丞相十一年更名相國綠綬孝惠高后置左

右丞相文帝二年復置一丞相有兩長史秩千石哀帝

元壽二年更名大司徒武帝元狩五年初置司直秩比

二千石掌佐丞相舉不法

太尉秦官

應劭曰自上安下曰尉武官悉以爲稱

金印紫綬掌武事武帝

建元二年省元狩四年初置大司馬

應劭曰司馬主武也諸武官亦以爲

號

以冠將軍之號

師古曰冠者加於其上共爲一官也

宣帝地節三年置

大司馬不冠將軍亦無印綬官屬成帝綬和元年初賜大司馬金印紫綬置官屬祿比丞相去將軍哀帝建平二年復去大司馬印綬官屬冠將軍如故元壽二年復賜大司馬印綬置官屬去將軍位在司徒上有長史秩千石

御史大夫秦官

應劭曰侍御史之率故稱大夫云臣位贊曰茂陵書御史大夫秩中二千石

上卿銀印青綬掌副丞相有兩丞秩千石一曰中丞在

殿中蘭臺掌圖籍祕書外督部刺史內領侍御史員十

五人受公卿奏事舉劾按章成帝綬和元年更名大司空金印紫綬祿比丞相置長史如中丞官職如故哀帝建平二年復爲御史大夫元壽二年復爲大司空御史中丞更名御史長史侍御史有繡衣直指服虔曰指事也師古曰衣以繡者尊寵之也出討姦猾治大獄武帝所制不常置

太傅古官高后元年初置金印紫綬後省八年復置後省哀帝元壽二年復置位在三公上

太師太保皆古官平帝元始元年皆初置金印紫綬太師位在太傅上太保次太傅

前後左右將軍皆周末官秦因之位上卿金印紫綬漢

不常置或有前後或有左右皆掌兵及四夷有長史秩千石

奉常秦官掌宗廟禮儀有丞景帝中六年更名太常

應劭

曰常典也掌典三禮也師古曰太常王者旌旗也畫日月焉王有大事則建以行禮官上奉持之故曰奉常也後改爲太常屬官有太樂太祝太宰太史太卜太醫六

令丞又均官都水兩長丞

服虔曰均官主山陵上槩輸入之官也如淳曰律都水治

渠隄水門三輔黃圖云三輔皆有都水也

又諸廟寢園食官令長丞又應太

宰太祝令丞

文穎曰應主熟食官如淳曰五時在應故特置太宰以下諸官師古曰如說是也雍

右扶風之縣也太宰卽是熟食之官不當復置一人也

五時各一尉又博士及諸

陵縣皆屬焉景帝中六年更名太祝爲祠祀武帝太初

元年更曰廟祀初置太卜博士秦官掌通古今秩比六百石員多至數十人武帝建元五年初置五經博士宣帝黃龍元年稍增員十二人元帝永光元年分諸陵邑屬三輔王莽改太常曰秩宗

郎中令秦官

臣贊曰主郎內諸官故曰郎中令

掌宮殿掖門戶有丞武

帝太初元年更名光祿勳

應劭曰光者明也祿者爵也勳功也如淳曰胡公曰勳之

言闔也闔者古主門官也光祿主宮門師古曰應說是也

屬官有大夫郎謁者皆秦

官又期門羽林皆屬焉

服虔曰與期門下以鐵行後遂以名官師古曰羽林亦宿衛之

官言其如羽之疾如林之多也一說羽所以爲王者羽翼也

大夫掌論議有太中

大夫諫大夫皆無員多至數十人武帝元狩五年

初置諫大夫秩比八百石太初元年更名中大夫爲光祿大夫秩比二千石太中大夫秩比千石如故郎掌守門戶出充車騎有議郎中郎侍郎郎中皆無員多至千人議郎中郎秩比六百石侍郎比四百石郎中比三百石中郎有五官左右三將秩皆比二千石郎中有車戶

騎三將

如淳曰王車曰車郎主戶衛曰戶郎漢儀注郎中令主郎中左右車將主左右車郎左右戶將

主左右戶郎也

秩皆比千石謁者掌賓讚受事員七十八秩比

六百石有僕射

應劭曰謁請也白也僕主也

秩比千石期門掌執兵

送從武帝建元三年初置比郎無員多至千人有僕射

秩比千石平帝元始元年更名虎賁郎

師古曰賁讀與奔同言如猛獸

之置中郎將秩比二千石羽林掌送從次期門武帝太

初元年初置名曰建章營騎後更名羽林騎又取從軍

死事之子孫養羽林官教以五兵號曰羽林孤兒

師古曰五

兵謂弓矢戈矛戈戟也

羽林有令丞宣帝令中郎將騎都尉監羽

林秩比二千石僕射秦官自侍中尚書博士郎皆有古

者重武官有主射以督課之軍屯吏騶宰永巷宮人皆

有取其領事之號

孟康曰皆有僕射隨所領之事以爲號也若軍屯吏則曰軍屯僕射永巷

則曰永

巷僕射

衛尉秦官掌宮門衛屯兵

師古曰漢舊儀云衛尉寺在宮內胡廣云主宮闕之門內

衛士於周垣不爲區廬區廬者若今之伏宿屋矣

有丞景帝初更名中大夫令

後元年復爲衛尉屬官有公車司馬衛士旅賁三令丞

師古曰漢官儀云公車司馬掌殿司馬門夜徼宮中天下上事及四方貢獻蜀下凡所徵召皆總領之令秩六百石旅衆也賁與奔同言爲奔走之任也衛士三丞又諸屯衛侯司馬二十

二官皆屬焉長樂建章甘泉衛尉皆掌其宮

師古曰各隨所掌之

宮以名官職略同不常置

太僕秦官

應劭曰周穆王所置也蓋大御衆僕之長中大夫也

掌輿馬有兩丞屬

官有大廐未央家馬三令各五丞一尉

師古曰家馬者主供天子私用

非大祀戎事軍國所須故謂之家馬也

又車府路軫騎馬駿馬四令丞

伏

曰主乘輿路車又主凡小車軫今之小馬車曲輿也師古曰軫音零

又龍馬閑駒橐泉駒

駉丞華五監長丞

如淳曰橐泉廐在橐泉宮下駒駉野馬也師古曰閑闕養馬之所也故曰

閑駒騶騶出北海中其狀如馬
非野馬也駒音徒高反騶音塗
又邊郡六牧師苑令各

三丞
師古曰漢官儀云牧師諸苑三十六所分置北邊西邊分養馬三十萬頭
又牧橐昆蹏

令丞
應劭曰橐橐蹏昆蹏好馬名也蹏音啼如淳曰爾雅曰昆蹏蹏善升蹏者也
因以爲廐名師古曰牧

橐言牧養橐蹏也昆蹏名也蹏蹏者謂其蹏下平也善

升蹏者謂山形如蹏而能升之也蹏即古蹄字耳蹏音

五見反蹏音言
又音牛偃反
皆屬焉中太僕掌皇太后輿馬不常置

也武帝太初元年更名家馬爲捫馬
應劭曰主乳馬取其汁捫治之味酢

可飲因以名官也如淳曰主乳馬以韋革爲夾撓受數

斗盛馬乳捫取其上肥因名曰捫馬禮樂志丞相孔光

奏省樂官七十二人給大官捫馬酒今梁州亦名馬酪

爲馬酒晉灼曰捫音挺捫之捫師古曰晉音是也捫音

徒孔
反
初置路軫

廷尉秦官
應劭曰聽獄必贊諸朝廷與衆共之兵獄同制故稱廷尉師古曰廷平也治獄貴平故以

爲號

掌刑辟有正左右監秩皆千石景帝中六年更名大理武帝建元四年復爲廷尉宣帝地節三年初置左右平秩皆六百石哀帝元壽二年復爲大理王莽改曰作士

典客秦官掌諸歸義蠻夷有丞景帝中六年更名大行

令武帝太初元年更名大鴻臚

應劭曰郊廟行禮讚九賓鴻聲臚傳之也屬

官有行人譯官別火三令丞

如淳曰漢儀注別火獄令官主治改火之事

及

郡邸長丞

師古曰主諸郡之邸在京師者也

武帝太初元年更名行人

爲大行令初置別火王莽改大鴻臚曰典樂初置郡國

邸屬少府中屬中尉後屬大鴻臚

宗正秦官

應劭曰周成王之時彤伯入爲宗正也師古曰彤伯爲宗伯不謂之宗正

掌親屬

有丞平帝元始四年更名宗伯屬官有都司空令丞

如淳

曰律司空主水及罪人買詣曰輸之司空編之徒官

內官長丞

師古曰律歷志主分寸尺丈也

又

諸公主家令門尉皆屬焉王莽并其官於秩宗初內官屬少府中屬主爵後屬宗正

治粟內史秦官掌穀貨有兩丞景帝後元年更名大農

令武帝太初元年更名大司農屬官有太倉均輸平準

都內籍田五令丞

孟康曰均輸謂諸當所有輸於官者皆令輸其地土所饒平其所在時賈

官更於作處賣之輸者既便而官有利也

幹官鐵市兩長丞

如淳曰幹音筦或作幹幹主也

主均輸之事所謂幹鹽鐵而榷酒酤也晉灼曰此竹箭幹之官長也均輸自有令師古曰如說近是也縱作幹